

৫৫

৫৫

অনার্স পরীক্ষা অনুষ্ঠিত

ইডেন কলেজ খুলে  
দেয়ার দাবীতে  
ছাত্রীদের বিক্ষোভ

(বিশ্ববিদ্যালয় সংবাদদাতা)

কিছুসংখ্যক ছাত্রীর অশোভন আচরণের প্রতিবাদে ইডেন কলেজের শিক্ষকরা কলেজ বন্ধ ঘোষণার প্রথম দিনে গতকাল শান্তিপূর্ণভাবে কলেজের অনার্স পরীক্ষা অনুষ্ঠিত হয়। ছাত্রীরা এখনো হোস্টেলে অবস্থান করছে। এদিকে অবিলম্বে কলেজ খুলে দেয়া এবং অধ্যক্ষের পদত্যাগ দাবী করে একদল ছাত্রী গতকালও রাজপথে বিক্ষোভ মিছিল ও সমাবেশ করেছে।

গত রোববার কলেজের শিক্ষক কাউন্সিলের এক সভায় কিছুসংখ্যক ছাত্রীর অশোভন আচরণের প্রতিবাদে এবং কলেজের শিক্ষার পরিবেশ বিমিত হওয়ায় অনিদিষ্টকালের জন্য কলেজ বন্ধ ঘোষণা করা হয়। কলেজের আবাসিক ছাত্রীদের তিনদিনের মধ্যে হোস্টেল ত্যাগের নির্দেশ দেয়া হয়েছে।

এদিকে কলেজের শিক্ষয়িত্রীরা গতকাল সংবাদকে দেয়া এক সাক্ষাৎকারে বলেছেন, আন্দোলনরত ছাত্রীদের অনেক অনুরোধ করেও তাদের দাবীর যৌক্তিকতা সম্পর্কে কোন ধরনের আলোচনায় বসাতে না পেরে বাধ্য হয়েই শিক্ষকদের কলেজ বন্ধের সিদ্ধান্ত নিতে হয়েছে।

তাদের মতে, কলেজের ৮ হাজার ছাত্রীর মধ্যে গুটিকয়েক ছাত্রী সারাবছর পড়াশুনা না করায় পরীক্ষায় অংশগ্রহণের ভয়ে এই আন্দোলন করছে।

কলেজের উপাধ্যক্ষ রাবিয়া খানম বলেন, আন্দোলনের নামে পরীক্ষার্থীদের পরীক্ষা দানে বাধা দেয়া এবং শিক্ষয়িত্রীদের সাথে অশোভন আচরণ কখনোই কাম্য হতে পারে না।

তিনি বলেন, সরকারী কলেজ হিসেবে অতীতে সরকারপ্রধানের সাথে বাংলাদেশের অন্য সব সরকারী কলেজের মতই ইডেন কলেজেরও সম্পর্ক থাকতে পারে। কিন্তু সে জন্য কোন একক ব্যক্তিকে দায়ী করে তার বিরুদ্ধে আন্দোলন অযৌক্তিক।